

風俗通  
姓氏考  
魏氏補  
篇略證



風俗通姓氏篇

應劭  
張澍編輯補注纂

中華書局

風俗通姓氏篇

此據二酉堂叢書  
本排印初編各叢  
書僅有此本

## 輯風俗通姓氏篇序

昔春秋時。周之史伯。魯之衆仲。晉之胥臣。鄭之公孫揮。楚之觀射父。皆善言族姓。炎黃以來。如指諸掌。而以姓氏著書傳後者。周則有左丘明世本之氏姓篇。戰國則有荀況之血脈譜。漢則王符潛夫論之氏姓志。鄧氏官譜。潁川太守聊謀之萬姓譜。徵君管寧之姓氏歌。斯爲最古。而泰山太守應劭風俗通姓氏篇。繼之。潁川所祖。推究更改。雖有附會。大致典碁。惜其篇散佚。不爲完書。予於輯世本之暇。輒搜諸書。碎脅成帙。輒以穴管。正其疏漏。後見抱經盧氏叢書。亦有此篇。殊多闕略。聊復刊布。貽之同好云。

1247/126/107

## 風俗通姓氏篇原序

禹類之中，惟人爲貴。春秋左氏傳：官有世功，卽有官族。邑亦如之。公羊譏衛滅邢，論語貶昭公娶於吳，謂同姓也。蓋姓有九，或氏於號，或氏於諡，或氏於爵，或氏於國，或氏於官，或氏於字，或氏於居，或氏於事，或氏於職，以號唐虞夏殷也，以諡戴武宣穆也，以爵王公侯伯也，以國曹魯宋衛也，以官司徒司寇司空司城也，以字伯仲叔季也，以居城郭園池也，以事巫卜陶匠也，以職三鳥五鹿青牛白馬也。廣韻：牛御覽：太

澍按廣韻又引姓氏篇序云：凡氏之興九事：一氏於號，唐虞夏殷是也；四氏於國，齊魯宋衛是也；又云：凡氏於諡，戴武宣穆是也；凡氏於字，伯仲叔季是也；又云：氏於事，巫卜陶匠是也；氏於居者，城郭園池是也；氏於職焉，三鳥五鹿是也；北史高構傳引風俗通云：姓有九種，或氏於爵，或氏所居，字句與御覽所引微異，皆是以意改刪，非仲遠原文。又按唐書柳芳氏族論引巫卜作巫乙，亦非。

# 風俗通姓氏篇

漢 泰山太守汝南應 劭纂

清 武威張 澍編輯補注

姓氏篇上

澍按顏師古注急就篇云應劭纂風俗通多設人姓而爲章句偶讀斯效急就之爲也又按史記荀卿列傳集解引徐廣以爲應劭氏姓注亦卽此篇以篇爲注恐誤

東方氏伏羲之後帝出於震位東方子孫因氏焉平原厭次漢大中大夫東方朔鄭樵氏族略胡三省通鑑注吳曾能改齋錄

澍按路史注引云東方氏伏羲氏之後出於女媧

東陵氏秦東陵侯邵平之後又齊景公時有隱居東陵者氏焉神仙傳有東陵聖母郭名世古今姓氏證

澍按氏族略引云東陵氏東陵侯邵平子孫氏焉無齊景公以下數語又按博物志東陵地名聖母姓杜名姜應氏以聖母姓東陵誤矣一云女邢姓師劉綱能易形變化適海陵杜氏漢帝賜號東陵聖母

或謂爲晉康帝時人者誤劉遵之神異錄聖母廣陵人神仙傳海陵人

東郭氏東郭牙齊大夫東郭咸陽其後也司馬貞史記索隱

謝桉桓公謀伐莒謀未發而牙知之見呂氏春秋又左傳齊有東郭偃東郭賈即大陸子方孔叢子東郭亥欲攻田氏執贄見夫子而訪焉呂氏春秋秦相百里奚齊使東郭塞如秦平準書食貨志東郭咸陽齊之大鬻鹽也官大農丞領鹽鐵事

東關氏晉東關嬖五之後漢有將軍北亭侯東關義辯證

謝桉鄧名世云東關晉之門名其先晉守關大夫以地爲氏義即其後不可云嬖五後也

中氏漢有少府中京李賢後漢書注

謝桉廣韻引府下有卿字又北海相景君碑有修行中香字季逮劇人

中行氏漢有諫議大夫中行彪晉中行偃之後後漢書注

謝桉漢有燕人中行說爲宦者降匈奴師古云行音胡郎反

中壘氏劉向爲漢中壘校尉支孫以官爲氏辯證氏族略

冲氏漢有博士冲和辯證

謝桉華陽國志節士冲昱成都人少受學於嚴季后爲季后畫策免汝山夸之難近刊本作仲昱訛

銅鞮氏晉銅鞮伯華之後銅鞮晉之別邑也氏族略

謝桉後有同歸姓即銅鞮也

僮氏漢有交趾刺史僮尹。孫愐廣韻通鑑注

謝桼姓纂童氏出老童路史謂童僮出童律也東漢循吏童恢謝承書作僮恢東觀記作种恢

蒙氏東蒙主以蒙山爲氏秦有將軍蒙驁生武武生恬皆仕秦。氏族略

謝桼姓纂云蒙氏高陽後封以爲蒙雙有蒙氏雙氏又桼管子齊有蒙孫佐桓公立霸者

重氏顓頊帝重黎之後少昊時重爲南正司天之事黎爲北正司地之事。氏族略

謝桼少昊四叔重該修熙焉知重非句芒之後乎又逸周書重氏伐有鄩又重丘氏以美女遺青陽皆

宜有後也耿弇傳大槍渠帥重異或作重遇又作重連

公乘姓也魯有公乘子皮見列女傳。張說姓源韻譜

謝桼晉書晉義引上四字又桼公乘秦第八爵當是以爵爲姓者公乘子皮欲爲魯相其嬖勸勿爲也

公玉氏齊湣王臣有公玉冉漢有公玉帶其後也。史記秦隱

謝桼公玉冉呂氏春秋作公玉丹師古漢書注曰公玉姓也帶名也呂氏春秋齊有公玉丹此蓋其舊

族而說者讀公玉爲宿非也單姓玉者後漢司徒玉况自音宿耳又桼公玉帶濟南人進黃帝時明堂

闢鄭夾淥以公玉帶爲黃帝時人誤甚楊震碑陰有勃海公玉子舉

公族氏晉成公立嫡子爲公族大夫韓無忌號公族穆子見左傳漢有勃海公族進階。後漢書注

樹按公族進階見王純碑陰門生人名內黨綱傳云勃海公族進階與扶風魏齊卿並危言深論不隱憂疆自公卿以下莫不畏其貶議屣履到門

公賓氏公賓姓也魯大夫公賓庚之後漢有校尉公賓就東海人

通鑑注

樹按魯一作晉庚一作庚均語左哀公八年傳吳伐我克東陽而進公賓庚公甲叔子與戰於夷獲叔子與析朱鉏獻於吳子又一引無校尉二字公賓就即斬王莽首者

公旗氏戰國策齊威王時左執法公旗蕃左傳齊悼子公旗之後

林寶元姓纂

樹按姓源引云齊悼公子子旗之後

終氏桀內史終古後氏焉姓纂漢有諫議大夫終軍

釋

樹按王莽時有終帶見匈奴傳

終古氏終古桀內吏也因氏焉

氏族略

終黎氏嬴後有姓終黎者是也

裴駰史記集解

樹按世本云終黎嬴姓國路史云徐之別封應劭云鍾離子國在九江蓋其後徙于此吳滅之終黎即

鍾離楚將有鍾離昧漢有鍾離意字子阿

農氏神農氏之後

廣韻

龍丘氏。琴引有楚龍丘子。後漢吳有龍丘萇。隱居太末。志不降辱。太末有龍丘山。顏師古急就章注

澍按琴操九曰楚引。楚游子龍丘高所作也。文選注引琴操云。龍丘高出游三年。思歸故鄉。望楚而長嘆。故曰楚引。氏族略引云。龍丘氏。漢有高士龍丘萇。吳郡人。

雍氏文王子雍伯之後。氏族略

澍按鄭莊夫人雍姑。國姓纂云。宋之雍氏。本姑姓。寰宇記。雍氏。黃帝後姑姓是矣。是雍不止文王後也。

鄭有雍糾。齊有雍廩。漢有雍齒。封什邡侯。

功氏。晉大夫司功景子之後。或去司單爲功氏。辯證

弓氏。魯大夫叔弓之後。漢有光祿勳弓祉。姓纂

澍按漢有帶方太守弓遵。見魏志。

嵩氏。漢有嵩極。予子見史記。辯證

澍按路史國名記。帝偁次妃有娥。後有嵩氏。又按西京雜記。安定嵩真。與予菟曹元理。並明算術。是嵩真。嵩極。予子各一人。鄧名世以應劭爲失考。誤矣。

移氏。高後采高堂。公子雍食采於移。後爲氏。後漢書注。路史國名記。漢有弘農太守移良。容齋隨筆。洪邁

澍按移良。卽承宦官旨。停楊震棺於道側者。氏族略引作蘄良。辯證引作南郡太守。皆誤。

爲氏。魯昭公子公爲之後。漢有南郡太守爲昆。廣韻容

隨氏。隨侯之後。漢有博士隨何。後漢有扶風隨蕃。廣韻

謝按論語疏。隨侯姓祝。名元暢。是隨侯姓祝也。茲當云。隨國之後爲審。光武時。有偏將軍隨弟。弟音悌。

義氏。堯卿義仲之後。廣韻

謝按太平寰宇記。廢城塘縣。在州西北一百一十里。隨末縣令義士暄。置有城。塘以爲名。

卑氏。鄭卑謚之後。漢有北平太守卑躬。議郎卑整。廣韻

謝按後漢書。注引云。卑氏鄭大夫卑謚之後。漢有卑躬。爲北平太守。胡太傅碑。有太傅掾雁門卑整。袁

宏紀。作卑整誤。後漢皇后紀。熹平四年。小黃門趙祐。議郎卑整。上言云。春秋之義。母以子貴。今冲帝母。

虞大家。賈帝母。陳夫人。皆誕生聖皇。而未有稱號云云。卽爲太傅掾者也。又按卑謚。論語。左傳。皆作禪。

古今人表。作卑。顏師古注。音脾。

離氏。離婁。孟子門人之後。漢有中庶子離常。氏族略

謝按辯證。引云。離氏。漢有中庶子離常。鄭氏引之後二字。在離常下。今改正。離婁。本黃帝時人。廣韻以

爲孟子門人。亦異聞也。

池氏。漢有中牟令池瓊。又有池仲魚。城門失火。仲魚燒死。故諺曰。城門失火。殃及池魚。廣韻

謝按璣一作璽事見說苑

師氏樂人瞽者之稱自晉師曠之後始以爲氏漢有東海師中作雅琴師氏八篇

證

謝按博古圖周有師殢又殷有師涓師延魯有師乙師摯師金鄭有師叔師悝魏有師經未必皆後於師曠是師姓久矣不自曠始也而氏族略引云師氏師樂人瞽者之稱晉有師曠魯有師乙鄭有師悝師觸師蠲師成與此異

師尹氏師尹三公官也以官爲姓周有尹喜尹吉甫

孔穎達毛詩疏

謝按金石錄補引作三公官氏也又按嵇高詩注云尹官氏也蓋以尹爲官以吉爲姓不連師字

尸氏其先封尸鄉後以爲氏秦有尸佼爲商君師著書

廣韻

謝按氏族略引云尸氏其先封尸鄉因以爲氏齊相有尸臣與廣韻引不同又按漢書注尸子魯人缺死佼逃入蜀作尸子二十篇凡三萬餘言魯一作晉

邵氏奚仲爲夏車正自薛封邵今泗州故下邳郡卽其地也其後爲氏後漢有衛尉信都邵彤

廣韻族略

通氏

注鑑

謝按邵彤在雲臺二十八將中字偉君

伊氏卽伊祁氏之後也裔孫伊尹名摯相湯生陟奮漢有議郎伊推又伊嘉爲雁門都尉石顯黨

氏族略

澗水經注。百蟲將軍顯靈碑云。將軍姓伊氏。諱益。字隴。帝高陽之第二子伯益者也。是伯益。姓伊矣。又云。有莘氏女。采桑伊川。得嬰兒於空桑中。言其母孕於伊水之濱。夢神告之云云。莘女取而獻之。命養於庖。長而有賢德。殷以爲尹。曰伊尹也。是伊以地爲氏者。又按儒林傳。伊推爲公羊學官。侍郎嘉。又爲御史中丞。王莽封伊平。奉伊尹後。

纍氏。媒祖之後。或爲纍氏。左傳。晉七輿大夫纍虎。辯證

澗按氏族略引。無或爲纍氏四字。纍虎。與共華叔堅。騅歆特。宮山祁等。皆里克平豹之黨。

鴟夷氏。范蠡適齊爲鴟夷子皮。後人以爲氏。辯證

澗按氏族略引云。鴟夷氏。本范蠡自號也。視此略。

皮氏。周卿師士樊仲皮之後。漢有皮尙。後漢有諫議大夫皮究。氏族略

澗按樊皮。字仲文。此則以名爲氏者。非樊仲皮也。又按漢有度尙。無皮尙。有皮常。當係鄭氏引訛。非仲

瑗原文有誤也。漢有涼州刺史皮揚。見西羌傳。儒林傳。滿昌授齊詩於琅邪皮容。鄭氏引作究字。亦誤。

資氏。資成。陳留人。氏族略

澗按陳留風俗傳云。資。黃帝之後。食采益州資中。因以爲氏。又按資成。係後周時人。鄭氏引。誤仲瑗原文。當與圈稱傳語同也。資成云云。係後人附益者。

司寇氏。蘇忿生爲周武王司寇。後以官爲氏。禮記。司寇惠子魯大夫。廣韻略。

謝按辯證引云。司寇氏。蘇忿生爲周武王司寇。支孫氏焉。無末數句。

司鴻氏。古有司鴻。苟著書。漢有諫議大夫司鴻儀。辯證。

謝按氏族略引。作中大夫。一引諫下無議字。

司馬氏。出程伯休父。重黎氏世序天地。封爲程國。伯休父字也。其後爲司馬氏。氏族略。

謝按左傳。晉有司馬寅。司馬齊。秦有司馬錯。衛有司馬食其。司馬狗。國策。魏有司馬喜。

司功氏。晉大夫有司功。景子士丐弟佗。因官氏焉。氏族略。

謝按路史注引。無士丐以下八字。世本云。晉士丐弟佗。爲晉司功。以官爲氏。與此微異。

期思氏。楚大夫居期思城。因以爲氏。辯證。

謝按廣韻引云。期思氏。有期思國。又按期思。在汝南郡。故蔣國琴操。有期思革子。一作思革子。

期氏。楚期思公復遂之後。有去思者。單爲期氏。辯證。

謝按廣韻引云。期氏。有期思國。

訾氏。帝訾妃訾姬之女之後。氏族略。漢有樓虛侯訾順。急就注。

謝按國策。趙簡子家臣訾祐。袁山梈書。沮僞死。其督戰訾寶。負尸埋之。又按姓苑云。訾。本出祭氏說。誤。

碁母氏。漢有廷尉碁母參。戰國策。碁母子與公孫龍爭辯。

氏族

澍按左傳。晉有大夫碁母張。國策之碁母生。卽碁母恢。又按漢胡毋班。蔡邕集。作碁母班。劉表與碁母闔。共定五經章句。

旗氏。齊卿公孫竈之孫爰施。字子旗。子孫以王父字爲氏。後漢有九江太守旗况。

氏族

澍按廣韻引。作旗光。鄧名世辯證。作旗汎。鄭樵又作旗况。宜以孫恂作旗光爲是。

差氏。人姓。急說

澍按左傳。疏云。差車。鮑氏臣。又按哀公十六年。楚子問帥於太師子穀。子穀曰。右領差車。與左史老。皆相令尹司馬。以伐陳。其可使也。是齊楚俱有差車。

威氏。齊威王之後。廣武陵威生不識母。見一老婦。供養爲母也。

證

澍按氏族略引云。威氏。齊威王之後。以田氏始王。故其後以爲氏。此是釋威王氏。複姓也。通志引於威氏下。誤矣。

威王氏。漢有中郎威王弼。出自楚威王後。

廣

澍按氏族略引作漢有威王弼。無中郎字。亦未引末句。

肥氏。其先有封肥鄉者。戰國策。趙賢人肥義之後。漢有肥詔。英布將肥赫。又仁恕掾肥親。

氏族

謝桼姓纂引云。肥氏。漢有肥詔。英布將肥赫。又桼靳歙傳。斬趙將賁赫。注音肥釋。儒林傳。淮南賁生。受詩於韓嬰。成帝時有郎賁麗。善爲星。注音肥。

非氏。周有非子伯益之後。漢有大司農非調。廣韻

謝桼韻會引云。周有非子。卽嬴秦祖。不知何据。百官表。非調。由光祿大夫爲司農。亦見河渠志。又桼谷朗碑。與永寧侯相碑。非子。皆作屏子。

魚氏。宋公子魚。賢而有謀。以字爲族。有魚石。魚府。廣韻

謝桼氏族略引云。宋桓公子公子目夷。字子魚。子孫以王父字爲氏。漢有長安富人魚翁叔。

魚孫氏。宋魚石奔林之後。羅泌路史注

謝桼魚石奔楚。其孫在國者。因以爲魚孫氏。羅泌引奔林。林字脫下體正。並有闕文。宜云魚石奔楚。其後以魚孫爲氏也。

余氏。秦由余之後。廣韻氏族通鑑注

謝桼國語。洛、洛、泉、余、滿皆赤狄隗姓也。應氏說疏。

夫餘氏。吳公子夫概奔楚。其子在國。以夫餘爲氏。今百濟王夫餘是也。廣韻

謝桼其子在國。氏族略引作餘子在吳。無末句。

諸氏漢有洛陽令諸於廣韻容

澍按漢洛陽令諸施語晉詐從工從白非諸於也因形近而訛又按呂氏春秋齊簡公之臣諸御執說

苑楚人諸御已又云越有諸發執一枝梅遺梁王

諸葛氏葛嬰爲陳涉將軍有功而誅漢文追錄封其孫諸縣侯因以爲氏廣韻裴松之吳志注

澍按一引無軍字文下有帝字封下無其孫二字又一引無縣字均脫誤漢有司隸校尉諸葛豐濟陰

太守諸葛禮

儲氏齊大夫儲子之後王莽時有儲夏後漢書注

澍按漢書儲夏自請願說瓜田儀莽以爲中郎東觀漢記光武勅趙熹從騎都尉儲融受兵二百人通

利道路鮑永傳光武遣諫議大夫儲大伯持節徵永永收繫大伯

渠丘氏晉有渠丘公乃莒也路史國名記

澍按左傳成八年申公巫臣會渠丘公注曰城陽縣有渠丘里寰宇記莒子朱居爲渠丘公莒邑也楚

子重伐莒圍渠丘者齊亦有渠丘乃雍廩邑

毋車氏漢有樂安毋車伯奇爲下邳相有主簿步邵南時人稱毋車府君步主簿廣韻

於陵氏陳仲子齊世家辭爵灌園於於陵因氏焉漢藝文志有於陵欽急就章注